

Baenz Roen Gingj Ndei Baenz Roen Cingz Mbanjcuengh Dasinh Yinx Hek Lai

一路美景一路情 大新壮乡引客来

□ Linz Nanz

Raemxdiuqdat Dwzdenh heiqseiq hungloet.



▲ Mbausau Bouxcuengh
vaj bez doiq fwen.



▲ Vunzlai Mbanjcuengh ring
mougangq gvaq ciet.




▲ Mehmbwk Bouxcuengh
eu fwen ringlaeui coux hek.



▲ Ciep gop maknganx
angqhoh fungsou.

Yienh Dasinh youq baih saenamz Guengjsae, liz gyangsingz Namzningz 143 goengleix. Miz Bouxcuengh Bouxyauz Bouxmyauz daengj saujsu minzcuz gungh 37 fanh lai vunz, dwg aen mbanj souhgyaeu Cungguk, daengx guk maknganx roek daih ndaemganq dieggook ndawde aen ndeu, aen mbanj dieggook cazgujdingh dajndaem. Liglaiz miz aen mingzdaeuz ndei “mbanjranz maknganx”、“mbanjranz cazgujdingh”.

Yienh Dasinh lizsij gyaenanx, swhyenz fungfouq, yinzvwnz yenzsu cungj miz caez, miz vunzgaeng vaqrin seizdaih sinhsizgi okmingz, guenq-meng sam ga rekmeng daengj. 1953 nienz youq ndaw yienh Lanjhih Yangh Mbanjnazlungz ndaw gamj Byavaizninz raen miz sam diuz heuj vunzgaeng vaqrin, neix dwg gwnz seiqgyaiq baez daih’ it raen miz. Yienh Dasinh miz fouxdkwlangh ciet roengzdoengh daengj lai cungj lai yiengh minzcuz fungcingz, engq yienh’ok Yienh Dasinh yinzvwnz yenzsu dieg Bouxcuengh comzyouq neix. Ranzyouq daegsaek yienhda, gijgwn haekfeih daegbied, minzsuz vwnzva lai yiengh gag miz caeuq gij fwen daegbied haenx, moix bi cungj yinx bouxhek seiq fueng bet baih bae yawjgonz youzcet.



▲ Diegsien lungzgungh yap
rongh lwenqda.



Vwnzva dwg aen hoenz lijyouz. Gyawj geij bi daeuj, Yienh Dasinh baengh ciet lijyouz gozci vwnzva henzguk Cungzcoj Cungguk, “sam nyied sam”、cietroengzdoengh、ciet-suenggyangq Yaleiz、cietmaknganx daengj, gawjbanh le lai cungj lai yiengh minzsuz vwnzva hozdung. Mboujdan yienghneix, vanzlij daih-lig dawz Mbanjcuengh minzsuz vwnzva buen daengz ginggih lijyouz, baijyienj conzdungj minzsuz doxdax, lumjbaenz dwkcik, daenj haizgieg raez beij vaiq, gaeq doxdax, rag vaiz doxdax, Fwencuengh doiq ciengq daengj, hawj bouxhekyouz yawj daengz dangdieg minzsuz vwnzva.

2016 nienz Cunghyangh Den-sidaiz Dasinh “sam nyied sam” cigboq caeuq Guengjsae Densidaiz “Betgveiq Minzcuz Fungh—2016 “sam nyied sam” daihcigboq, youq Yienh Dasinh yienhciengz cigboq, engq hawj Yienh Dasinh baiq coj hozdung, ngaizfukgyaeu, fouxbetcih daengj minzsuz vwnzva hozdung hawj bouxyawj daengx guk roxyiuj daengx guk okmingz, gaiq baiz minzcuz vwnzva lijyouz ciengq yiengj hwnjdaeuj.

Bya heu raemx saw funghgingj gyaunde, hawj Yienh Dasinh lijyouz swhyenz fungfouq lairaeuh,

liglaiz miz aen cwnghueh “Gveilinz Iq”. Gij gingjdenj lijyouz okmingz, lumj Raemxdiuqdat Dwzdenh, Naznganz Suijgu, Doenghnaz Mingzsw, Conghgamj Lungzgungh daengj. Ndawde, funghgvangh Mingzsw, Cawrongh Naznganz, Raemxdiuqdat Dwzdenh gaenq ndaej lied guh aen diemj Guengjsae Nanzgoz henzguk funghcingz lijyouz sienqluh ndawde aen ndeu. Daegbied dwg Raemxdiuqdat Dwzdenh, riuzmingz ndaw guk rog guk, heiqseiq gaeuq hung, hawj bouxhekyouz ngonz le mbouj sij ndaej baema. Linghvaih, moix daengz singhgiz roek caeuq ngoenz singhgiz, youq doenghnaz ginggih Mingzsw, bouxhekyouz mboujdan ndaej yawj aen daiz-heiqhung Mingzsw yienjheiq, lij ndaej camgya vanjvei feizdong、dwkdomq、nyingznaq、buengqyed、diuq fouxfaxsoux daengj minzcuz vwnzva hozdung miz minzcuz daegsaek. Youq Bouxcuengh sam nyied sam Yienh Dasinh ciet-roengzdoengh ndawde, hix ndaej gwn gijgwn ngaizbakranz miz daegsaek Mbanjcuengh, doengzseiz ndaej ngonz Fwencuengh doxdax、doiqciengq daengj conzdungj minzsuz vwnzva, hawj mwngz gamjsouh daengz guh bouxvunz Bouxcuengh ndeu caen angqyangz vuenyungz.



▲ Gyoengqhek angq
cimzgnw ngaiz souhyienz.

▲ Diuzdah raemx sawyau
lae gvaq doenghnaz dinbya.